

年老情多惜別離不才剛作送行詩晝晴風度花飛日春暖泥融燕語時別後不禁重作惡望中無奈卽成癡暮雲烟浪程程遠回首尋盟未可知

送何巨川從真人赴闕

鶴馭翩翩起自燕搏風直上約鈞天龍堆沙漠幾千里南海北遊經半年別後更誰供一笑坐中無與話重立平生鐵石肝腸斷老眼相看涕欲懸

同前

君逢若士學盧敖一舉凌雲萬丈高往矣扣闈親帝座來斯署職列仙曹立勳遠企通幽壤大庇餘波及老饕不濟世間無用

道藏輯要

雲山集

卷

易集六

物也宜林下醉蟠桃

北宮懷古

杖藜徐步覓宮庭大化潛移入杳冥草木別沾新雨露亭臺無復舊丹青瑤階滅裂餘蹤跡玉陛摧殘在典刑水鳥不知人換世夕陽依舊聚沙汀

秋遊瓊花島

廣寒高處野花黃荆棘叢生古洞房亂石圯垣新境界敗荷衰草舊池塘雲浮冠蓋亦何在電轉山舟無處藏試向西風問消息倚天松柏自蒼蒼

同前